


Maxci Daphek

□ Banh Singhhaij / 潘星海



Fwn ngamq dingz, gwnz roen lij raeuzradrad. Duzmax geq baegfofo bin daengz byongh lingq couh bin mbouj hwnjbae lo. Raen aen maxci doenq dauqlaeng, Huz swlhling vaiq saet roengzbae gaex ci. Saujing caemh siengj roengzbae, Huz swlhling hawj de naengh youq. Canhmouzcangj ngamq yaek roengz ci raen Saujing baez naengh roengzma le, ndaek hangx de hix lumj nem rin nei doengh cungj mbouj doengh lo.

“Gou heuh mwngz naengh la?” Huz swlhling dacaengz canhmouzcangj.

“Boenq boux hek gaex ci?”

“Doengh goeng’ak daeuj cazyawj lij ndaej buenq roen roengz ci coengh vunz gaex ci ne?”

“Duzmax neix byombyangbyang mbouj miz rengz lo, lij sij mbouj ndaej vuenh. Laihnaeuz dwg vuengz-daeq gwih gvaq ha?” Canhmouzcangj roengzbae gaex ci, congghbak lij mboenbyoedbyoed.

“Gwnz roen mwngz raen duzmax lawz ndei, mwngz ak lai couh bae rag duz de ma ha!”

“Baenzneix ledged, mwngz yienghneix guh danghnaeuz guh bouxhaici hix dwg hawj vunz naengh ci rwix!”

Canhmouzcangj bak rwix sim soh, gaex ci hix mbouj ndojgik mbaet rengz ne. Song boux caezsim gaprengz gaex ci. Huz swlhling doiq duzmax geq hat song sing, duzmax geq hix swenjeu song sing, haenqrengz bin hwnj lingq bae.

Gwnz lingq miz aen mbanj iq ndeu. Mwhneix ndaw mbanj caem-rwgrwg, mizmbangj ranzvunz laeng ranz naj ranz nya sang gvaq ciengz. Saujing roengz ci le, yawj laeng Huz swlhling caeuj canhmouzcangj naeuz: “Sou miz saeh couh bae gonq.”

“Mbouj youqgaenj, mwngz nyaengq bae!” Huz swlhling naeuz.

“Mbatmbat cungj hawj sou

deq……”

“Dou ganggoj deq mwngz.” Canhmouzcangj naeuz.

Saujing riengjret coh diuz roen henz mbanj byaij bae. Canhmouzcangj yawj Saujing haeuj laeng ranz bakdou miz go’nganx ngeng ndeu bae, haenh naeuz: “Saujing caenh lumj mbouj rox laux nei, seizneix vanzlij lumj geijcib bi gaxgonq dou yienj heiqlienghbanj seizde……”

“Geij bi neix de gwnhoj lai lo! Lihleix vunzbingh ciengx gya, youh yaek goq mehlaux caeuj daeg-nuengx……”

“Cijdauiyenz miz fukheiq!”

“Vunz gaenq dawz mbouj ok dou lo……”

“Dawz mbouj ok dou ciuqiengh ndaej guh’angq!”

“Yakdingq!”

“Neix miz maz yakdingq? Deq gou miz cienz le, hix cingj vunz daengz ranz daeuj guh’angq……”

“Deq mwngz miz cienz, lajmbwn hix mbouj miz vunz gungz lo!”

“Byawz rox? Seizheiq daengz fajdou caiq hung haep ndaej caiq maenh cungj dangj mbouj ndaej!”

Huz swlhling daj ndaw daehdox canhmouzcangj mbon ok aen dig ndeu: “Gai di mbaenq faexcuk neix, mwngz hix siengj ndaej fatcaiz ha?”

Canhmouzcangj vaiqdi daj gwnzfwngz Huz swlhling dued aen dig gvaqma: “Neix dwg yisuzbinj, mwngz rox maz?”

“Gou couh mbouj naeuz de mbouj dwg yisuzbinj gonq bw, seizneix lij miz geijlai vunz daeuj cawx doengh mbaenq faexcuk neix dem?”

“Maz faexcuk, dwg yisuzbinj!”

Canhmouzcangj mbouj leixlangh Huz

swlhling lo, ngiengxgyaeuj muenghyawj go’nganx goz ngeng baihnaj aen ranz haeuj mbanj bae, mbouj rox ngeix daengz maz le, doq boq dig hwnjdaej lo.

Huz swlhling gaen gij sing dig canhmouzcangj ngon hwnjdaej. Neix dwg souj go heuhguh 《Sihsah, aen mbanjranz ndeigyaez gou》, dwg diuz gocaz ndaw denyinji 《Nanzhaij Funghyinz》. Doenghbaez youq gwnz daizheiq, Huz swlhling daz ngeihyienz, canhmouzcangj boq dig, Saujing caeuj cijdauiyenz ciengq songbough-ciengq. Gyoengqde yienj heiqlienghbanj 《Sahgyahbangh》okmingz, doek-laeng vunz ndaw mbanj cungj mbouj heuh gij coh caen gyoengqde, doengh coh bouxvunz ndaw heiq couh bienqbaenz gij coh gyoengqde lo.

Canhmouzcangj boq diuz go neix sat le, laebdaeb ngiengxgyaeuj muenghyawj go’nganx goz ngeng baihnaj aen ranz haeuj mbanj, cam Huz swlhling: “Danghnaeuz seizneix gou miz 10 fanh maenz ngaenz, mwngz nanqnanq gou siengj guh maz?”

“Haeuj singz hai aen bouq he gai dig.”

“Miz 10 fanh maenz ngaenz lij aeu gai dig?”

“Yienghneix mwngz siengj guh maz?”

“Dawz doenghbaez bang vunz raeuz dauq comz hwnjdaej yienj heiq. Mboujdan youq lajmbanj yienj, vanzlij haeuj ndaw singz bae yienj dem……”

“Hojsik, mizmbangj mbouj ndaej daeuj lo! Mwngz yawj cijdauiyenz……”

(caengz sat)

Aiq dwg mohrin ndaej nanz lo, gaiq rinbanj doxlieniz miz le gij geh, mizmbangj geh saeq, mizmbangj geh hung, haujlai nywj couh doek rag youq ndaw geh bae lo. Lih mbouj daengz baihlaj daizcaeuj lij miz diuz geh yienghneix gvangq, hawj duz ngwz hung neix bae guh rongz. Ndaeigeiq gou lij youq gwnz rinbanj daizcaeuj ninzringz gvaq, hix caeuj Ah Gunh gyoengqde youq henz dwk geizrin gvaq, gij buenzgeiz seiqfueng vanzlij veh youq gwnzde, byawz rox diuz geh lajde gingqyienz dwg aen rongz duzngwz!

Hei! Yungyiemj lai lo.

Aulungzgeiz sawqmwh cengi hwet soh, hawj gou doeksaet caez, ca di couh yaek cienq ndang buetdeuz lo. Cij raen de daj ndaw daeh mbon ok aen bingz iq he daeuj, hai lwgsaek aen bingz, dauj di mba youq gyang fwngzswix, doeklaeng saek ndei lwg-saek, siujsim riri oet haeuj ndaw daeh,

·Sawcuenhvaez Lwngnyez·

Gij Golwngnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dawz mba ndaw fwngzswix cat youq fwngzgvaz caeuj gengoenh, roengz-rengz bae nu, youh binj genbuh guh song hop, menhmenh gungj hwet roengzbae, caiq bae cazyawj gij geh rinbanj.

Caeklaiq haxbaenh gou caengz buetdeuz, mboujnex, gij naj gou mbouj deng saet caez? Doeklaeng youq dangqnaj Ah Veij, Ah Gunh gyoengqde aen gyauej gou baenzlawz ngiengx ndaej hwnj?

Ndawsim gou yienznaeuz yiengh-neix siengj, hoeng yawjraen Aulungz-

gveiz baenzneix yiemzduk, haeujsim, menhnumq, saeknaj haenbingj, gou roxnyinh seiqhenz engq caemrwg dwglau lo, caen dwg hawj vunz mbei lek ndang saenz. Yienznaeuz caeux couh rox de rox gaeb duzngwz, hoeng caengz ndaej caenda yawj de gaeb gvaq, hix mbouj ndaej yawj de gaeb gvaq duz ngwz baenzneix hung lumj ngoenzneix bungz, danghnaeuz de gaeb mbouj ndaej, dauqfanj gik duz ngwz hung haenx, yienghneix couh……

Aulungzgeiz ning baez ndeu

galaeng, hwet gungj ndaej engq daemq lo, gij ngeix gou deng dajduenh lo, youh ndaejniy gij sing Ah Giuh sup mug, caemhcai beij haxbaenh lij yiengj. Nyengqda baez yawj, yenzlaiz Ah Veij, Ah Gunh, Ah Giuh caeuj Ah Cang gyoengqde 4 boux gaenq ndoj youq baihlaeng gou caez, dawz gou dangj youq baihnaj ne!

Hei! Sim gou doq diuq mbat he, Aulungzgeiz iet fwngzgvaz haeuj ndaw geh rinbanj bae lo, neix…… caen dwg…… Gou aj bak hung raeuh, da luenzlum lum daengx mbaq ngeng de, ca di mbouj gamj diemheiq.

Aulungzgeiz baenzneix mbei-hung, de yaek ietfwngz haeuj ndaw bae hawj duz ngwz hung haeb? Gou saedcaih mbouj rox de yaek guh maz, buengzda gou cungj mbouj gamj yaep baez ndeu, gaenjcieng ndaej dungx youh nanq youh raeng, yaek nyouh conh lo.

(caengz sat)